

**2026EKO MARTXOAREN 26AN TOKIKO GOBERNU BATZORDEAK EGINDAKO
APARTEKO BILERAREN AKTA**

MODUA: Presentzialki

TOKIA: Batzar aretoa

EGUNA: Hogeita sei

HILABETEA: Martxo

URTEA: Bi mila eta hogeita sei.

HASIERAKO ORDUA: Arratsaldeko bostak eta erdi

BATZARRALDIAREN IZAERA: Ohikoa

DEIALDIA: Lehena

OSATZEN DUTEN PARTAIDEEN KOPURUA: Sei (6)

MAHAIBURUA: Leire Artola Ugalde (EAJ-PNV)

BILDUA: Adur Ugartemendia Leunda (EAJ-PNV)

Mariola Pascual Paredes (EAJ-PNV)

Hasier Agirre Elkoroberezibar (Beasaingo EH Bildu)

Eva Alvarez Atanes (Socialistas Vascos-Euskal Sozialistak)

Wesley Aritz Corsitto Agirre (ELKARREKIN PODEMOS EZKER ANITZA / IU-
ALIANZA VERDE).

ETORRI GABEA:

IDAZKARIA: ITZIAR AROZTEGUI APAOLAZA

1.- AURREKO AKTAK. 2026ko otsailaren 26ko akta onartzea.

Aho batez onartu da.

2.- LURRALDE BATZORDEKO PROPOSAMENAK:

A.- Kontratazioa

a.- Esleipen-proposamenak:

- BEASAINGO ORIA IBAIERTZEAN BIDE NATURALA GAUZATZEKO OBRAK
(2025PROB0006).

Ezagutzero eman da Lurralde batzordean tratatutako kontratazio-mahaiaren esleipen-proposamena:

1.- 2025-12-22. Tokiko Gobernu Batzordeak onartu zuen aipatutako obrak kontratatzea. Horretarako baldintza plegua administratiboa eta teknikoa onartu ziren. Prozedura irekia eta arrunta.

2.- 23-12-2025 Euskadiko plataforman deialdia argitaratzea.

3.- 2026-01-30. Proposamenak aurkezteko epearen amaiera.

4.- Epe horretan enpresa lizitatzailer hauek aurkeztu dira:

IFK: B20754453

Sozietate-izena: LURKIDE HONDALANAK, S.L.

Erregistro-data: 2026/01/30 13:35

Erregistro-zenbakia: 2026RTE00140400

IFK: B20835757

Sozietate-izena: CONSTRUCCIONES EGURKI ERAIKUNTZAK

Erregistro-data: 2026/01/30 21:55

Erregistro-zenbakia: 2026RTE00142960

5.- 2026-02-02 9:30etan. A. artxibo elektronikoa irekitzea. Enpresa lizitatzailleek aurkeztutako dokumentazioa kalifikatu ondoren, egiaztatu da bi enpresek aurkeztu dituztela data eta sinadura duen EKAB agiria.

- LURKIDE HONDALANAK, S.L. enpresak ez du erantsi obra-buruaren titulua.

Esleipendun izateko proposatuz gero, fidantza eta SPKLren 150. artikuluan aipatzen diren gainerako agiriekin batera, obra-buruaren titulua aurkezteko eskatuko zaio.

- CONSTRUCCIONES EGURKI ERAIKUNTZAK enpresak obra-buruaren tituluak erantsi ditu.

Enpresek betetzen dituzte kaudimen baldintzak Kontratisten Erregistroan inskribatuta daudelako.

6.- Horren ondorioz, enpresei onartu zaie lizitazioan parte hartzea.

7.- 2026-02-06an B artxibo elektronikoen irekiera egin zen (judizio bidez baloratuko diren esleipen-irizpideak: Proposamen Teknikoa), 40 puntuekin baloratzen dena.

Lizitatzailleak aurkeztutako dokumentazioa mahaikide teknikoari pasa zitzaion txostena emateko, ezaugarri taularen 9. atalean finkatutako irizpideen arabera.

Proposamen teknikoak aztertu ondoren, Kontratazio Mahaiko kide teknikoak, balorazio-txostena eman du. Mahaiko gainerako kideek aztertu dute, eta oniritzia eman diote.

Txostenaren edukia espedientean jasota dago eta kontrataziorako plataforman argitaratu da.

Lizitatzailleek lortutako puntuazioa ondorengoak izan da:

- CONSTRUCCIONES EGURKI ERAIKUNTZAK: 30,50 puntu

- LURKIDE HONDALANAK, S.L.: 32 puntu

8.- 2026-03-12. C artxibo elektronikoen (formula automatikoen bidez baloratuko diren irizpideak) irekiera ekintza burutu da.

Esleipen irizpideak, 60 punturekin baloratzen direnak:

- Lizitazioaren prezioa: 583.485,40 € + BEZ: 50 puntu.
- Pleguan ezarritakoa baino berme-epe luzeagoa (urte 1): 10 puntu.

Ireki ondoren, honako eskaintza hau aurkeztu da:

	Eskaintza ekonomikoa	Berme epea	Azpikontratazioa
CONSTRUCCIONES EGURKI ERAIKUNTZAK	576.650,55+121.096,62= 697.747,17	Urte 1	Eskaintzaren % 31,12

LURKIDE HONDALANAK, S.L	490.127,80+102.926,84= 593.054,64	9 urte	Eskaintzaren % 33'75
----------------------------	--------------------------------------	--------	----------------------

Lizitatzailleek guztira lortutako puntuazioa ondorengoa izan da:

	Memoria teknikoa	Eskaintza ekonomikoa	Berme epea	GUZTIRA
CONSTRUCCIONES EGURKI ERAIKUNTZAK	30,50	1,17	0	31,67
LURKIDE HONDALANAK, S.L	32	16	10	58

Horren ondorioz, Kontratazio Mahaiak kontratazio organoari (Gobernu Batzordea) ondorengo erabaki proposamena egiten dio:

Lehenik. LURKIDE HONDALANAK, S.L, enpresari ondorengo obra-kontratua esleitzea: Beasaingo Oria ibaiertzean bide naturala gauzatzeko obrak.

Bigarren. Esleipena baldintza-pleguen (administratiboa eta teknikoa), eta enpresak aurkeztutako eskaintzaren arabera egiten da.

Hirugarren. Esleipen prezioa:

490.127,80€+102.926,84€=593.054,64€

Laugarren. Egikaritze epea:

5 HILABETE zuinketa-aktaren egiaztapena izenpetzen denetik

Luzatzeko aukera: EZ

Bosgarren. Berme epea: 9 urte

Seigarren. Kontratuaren arduraduna, Lurralde saileko zerbitzuburua izendatzea.

Zazpigarren. Esleipendunari eskatzea hamar egun balioduneko epean, errekerimendua egin eta hurrengo egunetik aurrera zenbatzen hasita, kontratazio plataformaren bidez dokumentazio hau aurkez dezala:

1. 24.506,39 €ko behin betiko fidantza edo banketxeko abala.
2. Zerga-betebeharrak eta Gizarte Segurantzarekikoak egunean dituela egiaztatzen duen ziurtagiria, EJZn alta emanda.
3. Arrisku profesionalengatiko kalte-ordainen aseguru poliza, gutxienez a 600.000,00 €koa.
4. Obra-buruaren titulua (arkitektoa, arkitekto teknikoa, eraikuntzako ingeniari teknikoa edo goi-mailako ingeniaria)

Zortzigarren. Fidantza eta bestelako dokumentazioa aurkeztu ondoren, behin betiko esleipena egingo da. Horretarako, Alkateari ahalmena emango zaio, eta, ondoren, dagokion administrazio-kontratua sinatu beharko da.”

Hitz egiteko txanda eman ondoren, bildutakoek proposamenarekiko adostasuna azaldu dute.

Bozketa egin da eta aho batez onartu da proposamena.

- EPAIMAHAIAREN ESKU-HARTZEA DUTEN PROIEKTUEN LEHIAKETA ETA, HALA BADAGOKIO, OINARRIZKO PROIEKTUA ETA EXEKUZIOKOA IDAZTEKO: OLARAN MANUFAKTURAK ERAIKINAREN ERABERRITZE INTEGRALA. LEHIAKETAREN ESLEIPEN PROPOSAMENA (2025PROB0003).

Ezagutzero eman da Lurralde batzordean tratatutako lehiaketaren esleipen-proposamena:

“AUREKARIAK

I.- Epaimahaiaren 9 zenbakiko akta. Bertan ondorengoa jaso da:

- *Epaimahaiaren erabakia, bost finalistek lortutako puntuazioari dagokionez.*
- *Lehen sariaren proposamen irabazlea eta ex-aequo sariak.*
- *Proposamen bakoitzaren egilearen nortasuna.*
- *Bost finalistek aurkeztutako administrazio-agiriak eta kaudimen-betekizunak betetzea.*
- *Bost finalistei errekerimendua egiteko erabakia ondorengoa burutzeko:*
 - *Aktan horietako bakoitzerako aipatzen den dokumentazioa zuzentzeko.*
 - *Zerga-betebeharrak eta Gizarte Segurantzarekikoak egunean dituela egiaztatzen duten agiriak aurkezteko, bai eta jarduera ekonomikoen gaineko zergan alta emanda dagoela egiaztatzen duten agiriak ere, azken ordainagiriarekin batera, aldi baterako enpresa-elkarteko kide bakoitzarenak eta proposatutako gutxieneko taldearenak.*

II.- Errekerimendua kontratazio-plataformaren bidez egin zen 2026-02-27an. Finalista guztiek denboran (2026-03-04) eta moduan agiriak aurkeztu dituzte.

OINARRI JURIDIKOAK

Lehiaketa arautzen duen klausula administratiboen pleguko 4., 13. eta 14. artikulua.

Hori guztia kontuan hartuta, Epaimahaiak kontratazio-organoari (Tokiko Gobernu Batzordea), egiten dio honako ESLEIPEN-PROPOSAMENA:

Lehenengoa. *Lehiaketaren irabazle izendatzea honako hauek osatzen duten taldea:*

TOMAS VALENCIANO ESTUDIO, SLP, CRISTINA ARCAUZ ALZOLA, MONIKA BEKO BEOBIDE, ARANTZA ARRIETA GOITIA y FELIX ESCRIBANO MARTINEZ.

Jaso beharreko saria 30.000 €gehi 6.300 €(BEZ) izango da. Guztira: 36.300 €

Gainera, lehiaketaren esleipenduna izateko eskubidea du, publizitaterik gabeko prozedura negoziatua egin ondoren, oinarritzko proiektuaren, gauzatze-proiektuaren eta administrazio-pleguaren 16. artikuluan definitutako gainerako kontratu-prestazioen idazketa kontratatzeko.

Bigarrena. *Ex-aequo sariak merezi dituzten proposamenen lehentasuna honako hau dela zehaztea:*

2.- EZEQUIEL COLLANTES GABELLA, IBON SALABERRIA SAN VICENTE y LACOL SCCL.

3.- BEAR ARQUITECTOS, SCP Y LANGARITA NAVARRO, SLP.

4.- SATIE ARQUITECTOS, SLP & JOSEP FERRANDO BRAMONA.

5.- KREAN, S.COOP

Talde bakoitzak jasoko duen saria ondorengo da: 10.000 €gehi 2.100 €(BEZ) jasoko ditu. Guztira: 12.100 €.

Sariak dagokien zerga-atxikipearen mende egongo dira.

Aldi baterako enpresa-elkarteko kide bakoitzak jaulkiko ditu fakturak, eta proportzionalki ordainduko zaizkio kide bakoitzari, kontratazioaren arduradunak baliozkotu ondoren.

Hirugarren. Tokiko Gobernu Batzarrak hartzen duen erabakiaren berri emango zaie lehiaketan parte hartzen duten guztiei, eta kontratazio-plataforman ere argitaratuko da.”

Hitz egiteko txanda eman ondoren, proposamenarekiko iritzi hauek azaldu dira.

Eva Alvarez Atanes andreak (Socialistas Vascos-Euskal Sozialistak): “Guk hasieratik esan genuen proiektu honen aurka gaudela, eta proposamena zuzena iruditzen bazaigu ere, koherentziagatik aurka bozkatuko dugu.”

Hasier Agirre Elkoroberezibar jaunak (Beasaingo EH Bildu): “Evak esan duen ildotik guk ere aurka bozkatu dugu proposamenarekiko. Zalantzan ez dugu jartzen prozeduraren izapidetzea txukun eta ondo egin dela, baina inoiz ez dugu bat egin Olaran eraikinari eman nahi zaion erabilerarekin. Beraz, ez du onartzen proposamena.

Aritz Corsitto Agirre jaunak (Elkarrekin Podemos Ezker Anitza / IU-Alianza Verde): “Ez dugu onartzen.”

Adur Ugartemendia Leunda jaunak (EAJ-PNV): “Guretzat sorpresa da, Eva. Gobernu Taldearen proposamena herritarrei azaltzeko parte hartu zenuen eta ezezkoa adierazten duzu. Bestalde ikusita Donostiako talentu etxearen alde zu kide zaren alderdiak egin zuela kontraesan puntu bat ere dagoela esango nuke. Honen ondoren proiektua kontratatzeko prozedura negoziatua onartzeko proposamena dator, baina proiektua egikaritzeko, alde z aurretik emakida lizitatu eta onartu behar da. Ikusiko dugu horrek zer ematen duen.”

Eva Alvarez Atanes andreak (Socialistas Vascos-Euskal Sozialistak): “Beasaindar bezala herritarren parte-hartze prozesuan parte hartu nuen baina guk betidanik esan dugu eraikin horretarako beste proiektu bat genuela, beste erabilera bat emateko.”

Alkatea andreak (EAJ-PNV): “Oraindik emakida burutzeko asko falta da eta horrek ere bidea erakutsiko digu.”

Gaia behar adina eztabaidatu ondoren, bozketa egin da eta ondorengo emaitza lortu da:

Aldeko botoak: 3 (EAJ-PNV)

Aurkako botoak: 3 (Beasaingo EH Bildu, Socialistas Vascos-Euskal Sozialistak, Elkarrekin Podemos Ezker Anitza / IU-Alianza Verde).

Abstentzioak: 0

Etorri gabeak: 0

Botoen berdinketa egon denez, bozketa errepikatu egin da eta emaitza ondorengo izan da:

Aldeko botoak: 3 (EAJ-PNV)

Aurkako botoak: 3 (Beasaingo EH Bildu, Socialistas Vascos-Euskal Sozialistak, Elkarrekin Podemos Ezker Anitza / IU-Alianza Verde).

Abstentzioak: 0

Etorri gabeak: 0

Beraz, Alkatearen kalitate botoarekin, proposamena onartu egin da.

b.- Lizitazioak hutsik uztea:

- “ZUMADI-BERNEDON” ERRIBERA PASEALEKUAREN URBANIZAZIOKO OBRAK (2025PROB0018).

Ezagutzera eman da Lurralde batzordean tratatutako kontratazio mahaiaren proposamena:

“AURREKARIAK

2026-02-02ko bileraren jarraipen gisa non onartu zen:

1.- Lizitaziora aurkeztu zen enpresa bakarrari onartu zitzaion bertan parte hartzea: CONSTRUCCIONES EGURKI ERAIKUNTZAK.

2.- 2026-02-06. B artxibo elektronikoa ireki zen (automatikoki ebaluagarriak ez diren irizpideei buruzko dokumentazioa eta 3. eranskina (giza baliabideak eta baliabide materialak atxikitzea), 40 punturekin baloratuko dena.

3.- Lizitatzailerak giza baliabideak eta baliabide materialak atxikitzeko dokumentua aurkeztu zuen. Hala ere, memoria teknikoa ez zen entregatu, balio-iritzien bidez ebalua zitezkeen irizpideei zegokienez.

4.- Administrazio-pleguak, 15. klausulan, hau dio:

Lizitatzailerak ondoren adierazten diren artxibo elektronikoetan aurkeztu beharko dute proposamena, lizitatzailerak edo haren ordezkariak sinatuta: 15.2.- B. artxibo elektronikoa

TITULUA: Balio-judizioen bidez ebalua daitezkeen irizpideei buruzko dokumentazioa.

2017ko SPKLren 145. artikularen arabera hainbat esleipen-irizpide erabiltzen direnean, B artxibo elektronikoan sartuko dute lizitatzailerak balio-judizioaren arabera haztatu beharreko irizpideen arabera baloratu beharreko dokumentazioa.

Ondorioz, artxibo elektroniko honetan 3. eranskina sartuko da.

B artxibo elektroniko honetan ezin izango dira sartu, inola ere, C artxibo elektronikoari dagozkion dokumentuak.

Gainera, karatulako 10. atalean adierazten da B artxibo elektronikoan automatikoki ebalatu ezin diren irizpideei buruzko dokumentazioa eta 3. eranskina sartu behar direla.

5.- Komeni da gogoratzea, lehenik eta behin, kontratazio publikoko prozedura batera aurkeztzen diren lizitatzailerak alde ezarritako iuris tantum presuntzioa, Sektore Publikoko Kontratuei buruzko 9/2017 Legearen (SPKL) 139.1 artikuluan jasotakoa, honako hau xedatzen duena:

«1. Interesdunen proposamenak lizitazioa arautzen duten agiri eta agirietara egokitu beharko dira, eta horiek aurkezteak berekin dakar enpresaburuak baldintzarik gabe onartzea bere klausula edo baldintza guztien edukia, inolako salbuespenik edo erreserbarik gabe, bai eta mahaiari eta kontratazio-organoari baimena ematea Sektore Publikoko Lizitatzailerak eta Enpresa Sailkatuen Erregistro Ofizialean edo Europar Batasuneko estatu kide bateko operadore ekonomikoen zerrenda ofizialetan jasotako datuak kontsultatzeko».

Presuntzio horretatik abiatuta, ulertu behar da eskaintza bat aurkezteak berekin dakarrela lizitazioa arautzen duten pleguetan finkatutako baldintzak osorik onartzea. Ildo horretan, argigarria da Kontratuen inguruko Errekurtsoen Administrazio Auzitegi Zentralaren otsailaren 8ko 105/2019 Ebazpena (1281/2018 errekurtsua), hitzez hitz honako hau baitio:

«Proposamenak, deskribapen teknikoan, preskripzio teknikoen pleguaren edo antzeko kontratua dokumentuen edukiarekin bat etor daitezen exjitu behar da (...), eta ez da beharrezkoa izango baldintza teknikoen agiriarekin bat ez datozen eskaintzak berariaz baztertzea administrazio-klausula zehatzen pleguan».

Plegu teknikoa (proiektua) betetzen den presuntzio horrek ez du esan nahi lizitatzailerik ez duenik aurkeztu behar memoria bat, honako hauek jasotzen dituenak: obrarako sarbideak egiteko modua, okupatutako azalerak eta pilotze-eremuak, izan ditzakeen eraginak eta horiek minimizatzeko neurriak hartzea, eta obren plangintza eta antolaketa nola egingo diren.

Azken batean, proiektu teknikoan ezarritakoaren gainetik, Udalari interesatzen zaio alderdi horiek ezagutzea eta baloratzea, obra behar bezala gauzatzeko.

6.- Kasu honetan, Udalak ezin du egiaztatu nola garatuko diren lehen aipatutako alderdiak; izan ere, enpresa lizitatzailerik bakarrik ez du aurkeztu B artxibo elektronikoan eskatutako memoria teknikoa, eta ez du modu argi eta objektiboan betetzen pleguetan ezarritakoa.

Inguruabar horrek eragotzi egiten dio kontratazio-mahaiari balio-judizioaren mende jarritako irizpideak baloratzea, eta horrek justifikatzen du eskaintza baztertzea eta, baliozko beste proposamenik ez dagoenez, lizitazio-prozedura esleitu gabe uztea.

7.- Administrazioak ezin du kontratua esleitu proposamen teknikoa bezalako funtsezko osagaien bat falta bada, prestazioaren bideragarritasuna ebaluatzea eragotziko lukeelako. Beraz, kontratazio-mahaiak kontratazio-organoari proposatzen dio aurkeztutako eskaintza baztertzea, eta, balioz onartutako beste proposamenik ez dagoenez, lizitazio-prozedura hutsik uztea.”

Hitz egiteko txanda eman ondoren, bildutakoek proposamenarekiko adostasuna azaldu dute.

Horren ondorioz, aho batez onartu da lizitazio hutsik uzteko proposamena

- HERRITARREI, KORPORAZIOKO KIDEEI ETA UDAL LANGILEEI IBILGAILU ELEKTRIKOEN ERABILERA PARTEKATUA (CAR SHARING) ERRAZTEKO ZERBITZUA EMATEKO KONTRATAZIOA. (2026HIBO0022).

Ezagutzera eman da lizitazioa hutsik geratu dela lizitatzailerik aurkeztu ez delako. Plataforma-sistemak bidalitako mezua berri eman da:

Kanpoko igoilea | Remitente externo
Mezu hau zure erakundetik kanpo dator.
Este mensaje viene de fuera de su organización.



Eskaintza aurkezteko muga-eguna igaro da:
Espedientea: **2026HIBO0022**
Kontratua erabiltzeko xedea: **Herritarrei, korporazioen kideei eta udal langileei ibilgailu elektrikoak erabilera partekatua (car sharing) errazteko zerbitzua ematea**

Enpresa lizitatzailerik:

Ez dago enpresa lizitatzailerik

Se ha cumplido la fecha límite de presentación de oferta:

Espediente: **2026HIBO0022**

Objeto contrato: **Prestación del servicio para facilitar a la ciudadanía, a los miembros corporativos y al personal municipal, el uso compartido de vehículos eléctricos (car sharing).**

Empresas licitadoras:

No hay ninguna empresa licitadora

Idazkariak esan du kasu honetan kontu ematea besterik ez dela. Lizitatzailerik aurkeztu ezean lizitazio-prozedura bere horretan bertan behera geratzen da inolako erabakirik hartu gabe.

c.- Lizitazio-espeditenteak obra eta zerbitzuak kontratatzeke:

- “ZUMADI-BERNEDON” ERRIBERA PASEALEKUAREN URBANIZAZIO OBRAK (2026PROB0001)

Lurralde Batzordeko ondorengo proposamenaren berri eman da:

2025-12-22an Tokiko Gobernu Batzordeak aipatutako obrak kontratatzeke erabakia hartu zen, baina aurreko puntuan onartu denez lizitazioa hutsik uztea lizitaziora aurkeztutako lizitatzailerak bakarrik ez zuelako memoria teknikorik aurkeztu, lizitazio berria egitea proposatzen da.

Horretarako Jose Miguel Toledo Echepare arkitektoak idatzitako proiektuaren aurrekontua eguneratu egin da eta baldintza administratiboa ere moldatu egin da prezioa eguneratuz. Deialdi publiko berria egitea proposatzen da Euskadiko kontrataziorako plataforman iragarkia argitaratuz. Lizitazioaren ezaugarri aipagarrienak ondorengoak dira:

“1.- Prozedura: irekia publizitatearekin. Lizitazio elektronikoa.

2.- Izapidetzea: arrunta.

3.- Lizitazio prezioa: 330.989,50 € + 69.507,79 € (BEZ). Guztira: 400.497,29 €

4.- Egikaritze epea: 12 aste, zuinketa akta sinatzen denetik zenbatzen hasita.

5.- Kaudimen ekonomiko, finantzarioa: Urteko negozio-bolumena, kontratuaren esparruari dagokiona. Azken hiru urteetako ekitaldi oneneko negozio-bolumena izango da; kontuan hartuta enpresaburuak enpresa noiz sortu duen edo jarduerak noiz hasi dituen eta eskaintza noiz aurkeztu duen. Zenbatekoa: 496.484,24 € gutxienez.

6.- Kaudimen teknikoa: Tituluak: Obra burua (Ingeniaritza, ingeniartza teknikoa edo ingeniartzan gradua edo goi mailako ingeniaria, %40ko dedikazioarekin). Obraren arduraduna (%100eko dedikazioarekin).

Klasifikazioa ez da eskatzen baina kaudimena egiaztatzetik salbuetsita geratuko da ondorengo aurkeztu ezker: G taldea, 6 azpitaldea, 2 kategoria.

7.- Aurkezteko epea eta lekua: 26 egun natural, kontrataziorako plataforman argitaratu eta hurrengo egunetik kontatzen hasita. Lizitazio elektronikoa.

8.- Adjudikazio irizpideak:

Formula automatikoen bidez baloratzen ez diren irizpideak (40 puntu)

Formula automatikoen bidez puntuatzeko irizpideak. (60 puntu)

- Eskaintza ekonomikoa. 50 puntu.

- Baldintza pleguan ezarritako berme-epea handitzea: 10 puntu.

9.- Proposamenak irekitzeko lekua, eguna eta ordua: plika irekitzea kontratistatzailearen profilean argitaratzen den tokian, egunean eta orduan egingo da.

10.- Aurkeztu beharreko agiriak: Lizitatzailerak administrazio-baldintzen Pleguan adierazitako agiriak aurkeztu beharko dituzte.

11.- Kontratua gauzatzeko baldintza bereziak: Kontratua egikaritzeko langile berriak kontratatzea beharrezkoa balitz eta enpresa kontratistak edo azpikontratistak emakumeen ordezkaritza ez orekatua balu langileen artean, kontratua egikaritzeko eta egikaritze epe osoan zehar, gutxienez ere, emakume bat kontratatu beharko du langile berri moduan edo, gutxienez ere, aldi baterako kontratatutako emakume bati kontratu mugagabea egin beharko dio. Langile multzoa ez orekatua dela ulertuko da emakumeak guztizko langileen %40ra iristen ez direnean.”

Hitz egiteko txanda eman ondoren, bildutakoek proposamenarekiko adostasuna azaldu dute.

Horren ondorioz, bozketa eginda aho batez onartu da proposamena.

- PUBLIZITATERIK GABEKO PROZEDURA NEGOZIATUA, OINARRIZKO PROIEKTUAREN, GAUZATZE-PROIEKTUAREN ETA EPAIMAHAIAREN BIDEZ

PROIEKTU-LEHIAKETA ARAUTZEN DUEN ADMINISTRAZIO-PLEGUAREN 16. ARTIKULUAN DEFINITUTAKO GAINERAKO KONTRATU-PRESTAZIOEN IDAZKETA KONTRATATZEKO (2026IDBO0010).

Lurralde Batzordeak proposatuta ondorengo proposamenaren berri eman da:

"1.- Prozedura: publizitaterik gabeko prozedura negoziatua. Lizitazio elektronikoa.

2.- Izapidetzea: arrunta.

3.- Lizitazio prezioa: 254.394,75 € + 53.422,90 € (BEZ). Guztira: 307.817,65 €

4.- Egikaritze epea: 7 hilabete, kontratua formalizatu eta hurrengo egunetik aurrera (oinarrizko proiektua, 4 hilabete kontratua sinatu eta hurrengo egunetik aurrera, egikaritze-proiektua, 3 hilabete oinarritzko proiektua udal-erregistro elektronikoan entregatu ondoren. Kontratu epe osoan sartuta dago lizitazio honetarako egindako preskripzio teknikoen pleguko 2. Artikuluan jasotako lan gehigarriak.

5.- Kaudimen ekonomiko, finantzarioa eta teknikoak: lehiaketaren irabazleak eta beste lau finalistek sektore publikoarekin kontratatze gaitasuna eta kaudimena dutela egiaztatu dute eta halaxe dago jasota 2025PROB0003 espedientean.

Klasifikazioa: ez da eskatzen.

7.- Aurkezteko epea eta lekua: 15 egun natural, lizitazioan parte hartzeko gonbidapena kontratazio-plataformaren bidez bidaltzen denetik.

8.- Adjudikazio irizpideak:

Formula automatikoen bidez puntuatzeko irizpideak. (100 puntu)

- Kontratuaren guztizko prezioa. Eskaintza ekonomikoa: 50 puntu.

- Egikaritzeko guztizko epea: 50 puntu.

9.- Negoziaziorako alderdiak:

- Prezioa (eta zerbitzuaren arteko banaketa)

- Proiektu eta dokumentu ezberdinek gauzatzeko epea.

- Proiektua gauzatzeko atxikitako giza-taldea, epaimahaiaren esku-hartzea duten proiektuen lehiaketarako onartutako pleguko 6.4 oinarriko gutxieneko edukiaz gain.

10.- Proposamenak irekitzeko lekua, eguna eta ordua: plika irekitzea kontratistatzailearen profilean argitaratzen den tokian, egunean eta orduan egingo da.

11.- Aurkeztu beharreko agiriak: Lizitatzailleek administrazio-baldintzen Pleguan adierazitako agiriak aurkeztu beharko dituzte.

12.- Kontratua gauzatzeko baldintza bereziak: emakumeak lan-merkatuan parte-hartze handiagoa izan dezan eta lana eta familia-bizitza bateragarri egin daitezen bultzatzea, langabeziari aurre egitea, bereziki gazteei, emakumeei eragiten dienari eta iraupen luzekoari, lantokiko prestakuntza bultzatzea."

Hitz egiteko txanda eman ondoren, EAJ-PNV udal taldeko zinegotziek izan ezik, beste kideek bigarren puntuan esandakoaren arabera adierazi dute ez daudela ados proposatutakoarekin.

Bozketa egin da eta ondorengo emaitza lortu da:

Aldeko botoak: 3 (EAJ-PNV)

Aurkako botoak: 3 (Beasaingo EH Bildu, Socialistas Vascos-Euskal Sozialistak, Elkarrekin Podemos Ezker Anitza / IU-Alianza Verde).

Abstentzioak: 0

Etorri gabeak: 0

Botoen berdinketa egon denez, bozketa errepikatu egin da eta emaitza ondorengo izan da:

Aldeko botoak: 3 (EAJ-PNV)

Aurkako botoak: 3 (Beasaingo EH Bildu, Socialistas Vascos-Euskal Sozialistak, Elkarrekin Podemos Ezker Anitza / IU-Alianza Verde).

Abstentzioak: 0

Etorri gabeak: 0

Beraz, Alkatearen kalitate botoarekin, onartu egin dira Olaran eraikineko oinarritzko proiektua eta gauzatze-proiektua publikizaterik gabeko prozedura negoziatua erabiliz esleitzeko pleguak (administratiboa nahiz teknikoa), onartzea.

- HERRITARREI, KORPORAZIOKO KIDEEI ETA UDAL LANGILEEI IBILGAILU ELEKTRIKOEN ERABILERA PARTEKATUA (CAR SHARING) ERRAZTEKO ZERBITZUA EMATEKOA. (2026HIBO0046).

Lurralde Batzordeko ondorengo proposamenaren berri eman da:

2026-02-26an Tokiko Gobernu Batzordeak aipatutako zerbitzua kontratatzeke erabakia hartu zuen eta deialdi publikoa egin zen iragarkia kontratazio-plataforman argitaratuz, baina lehen esan bezala hutsik geratu da lizitatzailerik aurkeztu ez delako.

Orain berriro lizitatzeko proposatu da, ondorengo aldaketak eginez:

- Aurreko lizitazioan, Udalak 5 aparkaleku-plaza lagatzen zituen Gernika pasealekuko aparkalekuan, zerbitzu partekatuko ibilgailuentzat eta kontratistarentzat kosturik gabe. Oraingoan, 4 plaza dira eta zerbitzuaren behararengatik justifikatua balego, 5 aparkaleku plaza bat lagatzea ahalbidetuko litzateke.
- Hizkuntza baldintzak.

Lizitazio berri honen txosten justifikatiboaren arabera 2025. urtean froga pilotu gisa zerbitzu eman duen enpresa kontratista lizitaziora ez aurkeztu izanaren zergatiaren inguruko informazioa biltze aldera, Udala enpresarekin harremanetan jarri da.

Enpresaren esanetan, zailtasunak ditu pleguetan zehaztutako hizkuntza baldintzak betetzeko. Aurreko lizitazioa hutsik geratu denez, lizitazio berri honetara konkurrentzia errazte aldera eta udalerriko herritarrek zerbitzu honetaz baliatzeko aukera izan dezaten, hizkuntza-baldintzak malgutzea proposatu da, gutxieneko baldintza batzuk bermatuz. Gainontzekoan, ez dirudi posible izango denik zerbitzu hau eskaintzen jarraitzea.

Nahiz eta, oro har, Beasaingo Udalak sinatutako kontratuak ezartzen diren euskararen erabilera baldintzak bat etorri Beasaingo Udaleko hizkuntza ofizialak erabiltzeko irizpideekin eta 2025eko urtarilaren 30eko osoko bilkuran onartutako Euskararen Erabilera Planarekin, lizitazio honetan ez da eskatzen hura osotasunean betetzea.

Adierazitakoaren arabera, kontratuaren hizkuntza betekizunak honakoak dira:

- Aplikazio mugikorak euskaraz eta gaztelaniaz eskuragarri egon beharko du. Eskaintzak aurkezteko epean lizitatzaille batek proposatutako aplikazioa euskaraz ez bada, eta aplikazio hori adjudikazioduna izango bada, kontratua sinatzen denetik 2 hilabeteko epea emango zaio euskarazko bertsioa garatzeko.
- Aplikazio bitartez erabiltzaileei eginiko jakinarazpenak euskaraz eta gaztelaniaz eskuragarri egon beharko dira, aurreko atalean aipaturiko epe berdinean.
- Kartelak euskaraz eta gaztelaniaz idatzita egon beharko dira.

Beraz, Lurralde batzordeak proposatu du zerbitzua kontratatzeko baldintza plegu administratibo eta tekniko onartzea eta kontratazioa deialdi publiko irekiaren bidez egiteari buruzkoa, ondorengo xehetasunekin:

“1.- *Prozedura: irekia publikizitatearekin. Lizitazio elektronikoa.*

2.- *Izapidetzea: arrunta*

3.- *Lizitazio prezioa urteko: 23.338,84 € + BEZ*

4.- *Egikaritze epea: Hiru urte kontratua sinatu eta hurrengo egunetik kontatzen hasita. Luzapen bat urtebetekoa.*

5.- *Kaudimen ekonomiko, finantzarioa:*

Urteko negozio-bolumena, kontratuaren esparruari dagokiona. Azken hiru urteetako ekitaldi oneneko negozio-bolumena izango da; kontuan hartuta enpresaburuak enpresa noiz sortu duen edo jarduerak noiz hasi dituen eta eskaintza noiz aurkeztu duen. Zenbatekoa: 43.702,26 € gutxienez

6.- *Kaudimen teknikoa:*

- Gehienez azken hiru urteetan egindako hornidura nagusiak, zehazki kontratuaren xede direnen antzekoak. Zehaztu behar dira lan horien zenbatekoa, data eta hartzailea (publikoa edo pribatua). Egikaritze handieneko urtean metatutako urteko zenbatekoa kontratuaren urteko batez bestekoaren %70 edo gehiago: 20.394,39 €.

7.- *Aurkezteko epea, ordua eta lekua: Hamabost egun natural, kontratuaren lizitazioaren iragarkia kontratatzailearen profilean argitaratu eta hurrengo egunetik kontatzen hasita..*

8.- *Adjudikazio irizpideak:*

Formula automatikoekin ebaluatzina den balio-irizpidea (30 puntu).

Memoria bat idatziko da, alderdi hauek zehatz-mehatz jasoko dituen:

Proposatutako erabilera partekatuko ibilgailuen deskribapena: (15 puntu)

Ibilgailu guztiek, gutxienez, plegu teknikoko zehaztapenak bete beharko dituzte, eta haien egokitasuna eta balizko prestazio hedatuak baloratuko dira.

Zerbitzua kudeatzeko sistemaren deskribapena, proposatutako aplikazio mugikorraren eta informatikoaren funtzionaltasunak: (5 puntu)

Kudeaketa-sistemak, aplikazio mugikorrak eta informatikoak baldintza-agiri teknikoko zehaztapenak bete beharko dituzte gutxienez, eta haien egokitasuna eta balizko prestazio hedatuak baloratuko dira.

Bateriak mantentzeko, ikuskatzeko, garbitzeko eta kargatzeko plana: (5 puntu)

Apartatu honek, gutxienez, agiri teknikoko zehaztapenak bete beharko ditu, eta haien egokitasuna eta zabalduetako prestazio posibleak baloratu beharko dira.

Logistikako, birbanaketako eta kudeaketako eta erabiltzaileari laguntzeko plana proposatzea: (5 puntu)

Apartatu honek, gutxienez, agiri teknikoko zehaztapenak bete beharko ditu, eta haien egokitasuna eta zabalduetako prestazio posibleak baloratu beharko dira.

Azterketa eta ulermena errazteko, aurkeztutako dokumentazioa gehienez 6 A4 orrikoa izango da, aurkibiderik eta eranskinik gabe, alde bakarretik Arial 11 letra-tipoarekin eta lerroen artean 1,5 lerroko tartearrekin. Aurkibide bakarra eta orrialdekatua izango du. Euskarri elektronikoan aurkeztuko da (PDF fitxategi bakarra).

Baimendutako gehieneko orrialde-kopurua gaituz gero, gaitutako orrialdeak ez dira baloratuak izango.

Formula automatikoen bidez ebaluatzen diren balio-irizpideak (70 puntu)

Zerbitzua eskaintzeko urteko prezioa: 70 puntu.

0 puntu emango zaizkio lizitazioaren oinarritzko aurrekontua berdintzen duen eskaintzari, eta 2 puntu gehituko zaizkio % 1eko beherapen bakoitzeko; gehienez 100 puntu emango dira, beherapenen batek % 50 gaitu ezean, orduan 100 puntu emango baitzaizkio, eta gainerakoa interpolatu egingo da.

$B_{max} \leq 50\% \gg P = 200 \times B$

$B_{max} > 50\% \gg P = 100 \times B / B_{max}$

Izanik,

P: Baloratu beharreko eskaintzaren puntuazioa.

B: $Baja = 1 - (Eskaintzako prezioa) / (Lizitazioaren gehieneko aurrekontua)$.

B_{max}: Onartutako gehienezko beherapena.

Horrela lortutako emaitzari atal ekonomiko honek puntu kopuru osoan duen portzentajea aplikatuko zaio.

OHI DENA BAINO GUTXIEGIZKO ESKAINTZATZAK

Eskaintza neurrigabeak edo ohiz kanpokoak direla pentsatuko da, onartutako eskaintzen batez bestekoa baino 15 puntu beherago dauden eskaintzak.

9.- Proposamenak irekitzeko lekua, eguna eta ordua: plika irekitzea kontratistatzailearen profilean argitaratzen den tokian, egunean eta orduan egingo da.

10.- Aurkeztu beharreko agiriak: Lizitatzailerik administrazio-baldintzen Pleguan adierazitako agiriak aurkeztu beharko dituzte.

11.- Kontratua gauzatzeko baldintza berezia, gizarte arlokoa:

- Lan-merkatuan emakumeek gehiago parte hartzea eta lan- eta familia-bizitza bateragarriak izan daitezen erraztea.

- Langabeziari aurre egitea, batez ere gazte, emakume eta luzaroko langabeenari.

- Lantokian prestakuntza jasotzen laguntzea.

12.- Kontratu aldaketa: Bai (ibilgailu berri bati dagokion zerbitzua). Aldaketaren estimazioa: 7.200 €+ BEZA."

Hitz egiteko txanda eman ondoren, bildutakoek proposamenarekiko ondorengo adierazi dute:

Hasier Agirre Elkoroberezibar jaunak (Beasaingo EH Bildu): "Gu abstenitu egingo gara oraingoan ere euskara delako galtzen ateratzen dena. Zerbitzuarekin ados egonda, agian beste aukera batzuk uztartu egin beharko lirateke. Adibidez Call Centre zerbitzua. Horrelako kanal bat Abaltzisketan dago eta kontratistak azpikontratatu ditzake eskaintzen dituen zerbitzuak, euskaren presentzia bermatuz."

Alkate andreak (EAJ-PNV): "Bai, aztertzeke zerbaite izango litzateke. Orain proposatzen dugunarekin abiapuntua emango genioke zerbitzuari, baina beste aukera horiek baztertu gabe".

Eva Alvarez Atanes andreak (Socialistas Vascos-Euskal Sozialistak): "Orain arte emandako zerbitzuarekin jarraitzea garrantzitsua da, baina ezinbestekoa da euskaraz ere garatzea."

Alkate andreak (EAJ-PNV): "Lehen esan bezala gure asmoa izango litzateke kontratistari erraztasunak ematea arreta euskaraz emateko."

Aritz Corsitto Agirre jaunak (Elkarrekin Podemos Ezker Anitza / IU-Alianza Verde): “Aplikazioa euskaraz ere egotea, zerbait da, baina ni ere abstenitu egingo naiz”

Bozketa eginda, ondorengo emaitza lortu da.

Aldeko botoak: 3 (EAJ-PNV)

Aurkako botoak: 0

Abstentzioak: 3 (Beasaingo EH Bildu, Socialistas Vascos-Euskal Sozialistak, Elkarrekin Podemos Ezker Anitza / IU-Alianza Verde).

Etorri gabea: 0

Beraz, proposamena gehiengo soilarekin onartu da.

d.- Kontratua luzatzea:

- INGURUMEN-ARLOKO ASISTENTZIA TEKNIKO- ZERBITZUA EMATEKO KONTRATUA LUZATZEA (2022ZEBO0031)

Lurralde batzordeko ondorengo proposamenaren berri eman da:

“AURREKARIAK

I.- 2022-03-03. Gobernu Batzordeak onartu zuen deialdi publikoaren bidez aipatutako kontratazioa lizitatzea. Horretarako plegu administratiboak eta teknikoak onartu ziren. Prozedura irekia, tramitazio arrunta eta ez harmonizatua.

II.- 2022-03-04. Euskadiko plataforman deialdia argitaratu zen.

III.- 2022-03-24. Proposamenak aurkezteko epearen amaiera. Epe horretan enpresa bakarrek eskaintza aurkeztu zuen: LAIA KOOPERATIBA ELKARTE TXIKIA.

IV.- A artxibo elektronikoa kalifikatu ondoren aipatutako enpresari lizitazioan parte hartzea onartu zitzaion, aldez aurretik dokumentazioa osatuta.

V.- Esleipen-irizpideak baloratu ondoren, Tokiko Gobernu Batzordeak 2022-05-05ean Kontratazio Mahaiaren proposamena kontuan hartuta, kontratua LAIA KOOPERATIBA ELKARTE TXIKIari esleitzea erabaki zuen.

VI.- 2022-05-20an, Alkateak zerbitzu hori aipatutako enpresaren alde behin betiko esleitzeko ebazpena eman zuen, esleipendunak horretarako eskatutako dokumentazioa aurkeztu zuelako (3.421,35 €ko fidantza, jarduera ekonomikoetan alta emanda egotearen agiria, zerga-betebeharrak eta Gizarte Segurantzarekikoak ordainduta izatearen egiaztagiria, 123.966,90 €ko erantzukizun zibileko aseguruia eta zuzendari koordinatzaile pertsonaren identifikazioa).

VII.- 2022-06-01ean kontratua sinatu zen. Egikaritze epea: hiru urte, kontratua sinatu eta hurrengo egunetik zenbatuta eta urtebeteko bi luzapen egiteko aukera.

VIII.- Lurralde batzordeak proposatuta, 2025-05-29an Tokiko Gobernu Batzordeak egindako bileran, lehenengo luzapena egitea onartu zuen eta 2025-05-30ean luzapen-kontratua sinatu zen 2025-6-1etik 2026-05-31 bitarteko iraupena duena.

IX.- Hilabete honetan kontratuaren arduradunak emandako txostenaren arabera, 2. Luzapena egitea proposatzen da, zerbitzua udalaren gogobetetasunerako ematen ari delako.

OINARRI JURIDIKOAK

Legeri aplikagarria: azaroaren 8ko 9/2017 Legea Sektore Publikoaren Kontratuak arautzen duena, 29. artikulua.

Kontratua luzatu ahal izateko, luzapena aurreikusita egon behar da baldintza pleguan eta kontratuan. Kasu honetan horrela da, izan ere kontratuaren luzapena kontratazio-espeditatearen ondorengo dokumentuetan jasotzen da:

- Baldintza administratiboaren 3. artikuluan.
- Karatularen 17. atalean
- Bi aldeen artean sinatutako kontratu administratiboaren 3. estipulazioan.

Modu honetan aurreikusten da:

“Egikaritze epea: 3 urtekoa izango da kontratua sinatu eta hurrengo egunetik hasita. 2 luzapen egiteko aukera aurreikusten da, bakoitza urtebeteko iraupenekoa.”

Ondorioz, Tokiko Gobernu Batzordeari proposatzen zaio, kontratua beste urte betez luzatzea (2026-06-1etik-2027-05-31ra), egungo baldintza guztiak, prezioa barne (22.809,00 € + 4.789,89 € = 27.598,89 €) mantenduz.

Luzapena dagokion dokumentu administratiboan formalizatu ostean ez da luzapen gehiago egiteko aukerarik egongo.”

Hitz egiteko txanda eman ondoren, iritzi hauek azaldu dira:

Hasier Agirre Elkoroberezibar jaunak (Beasaingo EH Bildu): “Ados luzatzearekin baina aprobetxatu nahi dugu esateko, lanpostu estrukturala izanik plantilan plaza sortu eta hornitu egin beharko litzatekeela, luzapena amaitzean berriro kontratu-zerbitzua egin ordez.

Alkate andreak (EAJ-PNV): “Bai, 2024-2028 plantilaren-plana egin zenean atean geratu zen lanpostu honen aurreikuspena, baina nik uste dut hurrengo plangintzan arazori gabe aurreikusiko dela antzemanda ingurugiro arloak geroz eta gehiago duen garrantzia.”

Bozketa eginda, aho batez onartu da ingurumen-arloko asistentzia tekniko-zerbitzua emateko kontratua beste urte betez (2026-06-1etik-2027-05-31ra), luzatzea.

B.- Kontratazio zentrala:

- GIPUZKOAKO FORU ALDUNDIKO EROSKETA ZENTRALAREN ESPARRU-AKORDIOAREN BARRUAN GAS HORNIDURAREN KONTRATAZIOA ATXIKITZEA. ALKATEAK EMANDAKO EBAZPENAREN BERRESTEA (2026ZEB00021).

Lurralde batzordeak Alkateak 2026-03-16an emandako ondorengo Ebazpena berrestea proposatu du:

Aurrekariak

- “Foru Kontratazioko Zentralaren bidez Gas naturala hornidurako esparru-akordioa” EDP CLIENTES S.A.U. enpresarentzat egindako esparru-kontratua, esparru-akordioaren ondorioan bertan ezarritako baldintzetan, 2026/07/01n amaituko da.
- Beasaingo Udalaren 2025-07-13ko Alkatetza Ebazpenaren arabera, tokiko gobernu-batzarraren eskumena da obrak, zerbitzuak eta hornidurak kontratatzea, Gipuzkoako Foru Aldundiaren Kontratazio Zentralaren bidez egindako kontratazioak barne, baldin eta haien prezio zenbatetsia 60.100 €-tik gorakoa eta aurrekontuko baliabide arrunten % 10etik beherakoa bada, urte anitzekoak barne, iraupena lau urtetik gorakoa ez denean.

- Beasaingo Udalarentzat aurreikusitako gas-horniduraren zenbatekoa, kontratu berriak iraun dezakeen lau urteetan, 1.392.000 €-koa da, aurrekontuko baliabide arrunten % 10 baino gutxiago.
- Beraz, kontratazio berriari atxikitzea Tokiko Gobernu Batzarrari dagokio.

Legeak ematen dizkidan eskuduntzen indarrez, honako hau agindu dut

DEKRETUA

2011ko maiatzaren 13ko Udal Batzarrak hartutako erabaki bidez onartu zen udal hau Gipuzkoako Foru Kontratazioen Zentralari atxikitzea.

Zentralak kontratazio espediente hau irekitzeko asmoa du esparru akordioaren prozeduran jakinarazten denez: Gas naturala hornitzeko kontratazioa.

Udal honek hornidura hori kontratatu behar duenez eta

Legeak ematen dizkidan eskuduntzen indarrez,

EBAZTEN DUT

1.- ATXIKITZEA Gipuzkoako Foru Aldundiko Foru Kontratazioen Zentralak irekitako espediente honi, udal batzarrak 2011ko maiatzaren 13an onartutako atxikipen hitzarmenean eta 2011ko otsailaren 22ko 3/2011 Foru Dekretuan jasotako arauetan adierazitako baldintzetan: Gas naturala hornitzeko kontratazioa.

2.- Konpromisoa HARTZEA enpresa esleipendun enpresarekin kontratu eratorria esleitzeko, Aldundiak esparru akordioa formalizatu ondoren eta hark adierazitako epean, betiere.

3.- BAIMENA EMATEA Gipuzkoako Foru Aldundiari, erakunde honen gas naturalaren kontsumo datuak enpresa hornitzaileari eskatu eta horiek eskuratzeko, kontratazio espedientea arautuko duten baldintza agirietan jaso ahal izateko.”

Adierazi da orain gertatu dena saihesteko (kontratazio zentralak markatzen dituen epeak direla eta Tokiko Gobernu Batzordeak Alkatearen ebazpena berretsi beharra izatea), bai aurrekontua exekutatzeko araudia eta baita ere bere Korporazioa osatu zenean Alkateak Tokiko Gobernu Batzordearen zereginei buruz emandako Ebazpena aldatu egingo dela, Alkateak 60.100 € baino gehiago eta aurrekontuaren baliabide arrunten %10a gainditzen ez duten eta 4 urte baino haratago ez diren zerbitzu eta horniduren kontratazioaren eskumena bereganatzeko.

Bozketa eginda, aho batez onartu da proposamena.

C.- Obra ziurtagiriak:

- BARRENDAIN PLAZAKO URBANIZAZIOA. 2. ZIURTAGIRIA. 2025PROB0013

Aho batez onartu da, “Barrendain plazako urbanizazioari” buruzkoa 2. ziurtagiria, 75.063,62 € €koa (BEZ barne).

- IGARTZAKO MONUMENTU-MULTZOAREN BARRUKO ETA KANPOKO ARGIZTAPENA ESKURATU ETA INSTALATZEA. 2. ZIURTAGIRIA. 2025PROB0014

Aho batez onartu da, “Igartzako monumentu-multzoaren barruko eta kanpoko argiztapena eskuratu eta instalatzeari” buruzkoa 2. ziurtagiria, 154.226,61 €koa (BEZ barne).

- BONBERIE ERAIKINA ERABERRITZEKO OBRAK. 1. ZIURTAGIRIA.
2025PROB0005

Aho batez onartu da, "Bonberie eraikina eraberritzeko obrei" buruzko 1. ziurtagiria, 27.659,04 € €koa (BEZ barne).

- BEASAINGO GAZTELEKUA GAUTZEKO OBRAK. 1. ZIURTAGIRIA.
2025PROB0016

Aho batez onartu da, "Gaztelekua egokitzeko obrei" buruzko 1. ziurtagiria, 43.167,16 €koa (BEZ barne).

3.- ESKAERA ETA GALDERAK

Eskaera eta galderen atalean ez da inolakorik aurkeztu

Eta tratatzeko besterik ezean bilera, arratsaldeko seiak hoge gutxiagotan amaitu da eta nik, idazkari naizen honek akta hau idatzi eta sinatu dut.